

## Saopštenje za javnost:

Federalni Zakon o porezu na dobit u fokusu

### **VSI pozdravlja mjere poduzete od strane Vlade FBiH**

Konačno odobrena porezna oslobađanja za dobit koju FBiH firme ostvare poslovanjem u RS

**Sarajevo, 21.01.2008:** Vijeće stranih investitora (VSI) podržava usvajanje novog Zakona o porezu na dobit u Federaciji BiH (FBiH). Vijeće je snažno podupiralo ove izmjene Zakona u 2007. godini, i podržavalo njihovo stupanje na snagu sa 1. januarom 2008. godine. Snižavanjem poreznih stopa na dobiti u FBiH sa 30 na 10 posto došlo je do izjednačavanja stopa u oba entiteta. Takođe, doći će do oslobađanja od dvostrukog oporezivanja firmi u FBiH koje su dosada bile opterećene porezima vezanim za njihovo poslovanje u RS-u i Distriktu Brčko. Ovo je bila jedna od ključnih preporuka Bijele knjige VSI-a objavljene u 2007. godini, i ovaj korak olakšava BiH da funkcioniše kao jedinstveni ekonomski prostor. Mark Davidson, Šef odjela za poreze pri uredu PricewaterhouseCoopers u Sarajevu naglašava: 'Očekujem da će ove mjere ohrabriti i Republiku Srpsku da reaguje na isti način'. Po zakonu u RS-u, porezne olakšice nisu date RS firmama koje posluju na području FBiH.

Novi zakon će stimulisati izvoz. Ukoliko u godišnjem prihodu firme izvoz učestvuje sa 30 ili više posto, firma je izuzeta od poreza na dobit. Takođe, zakon stimuliše proizvođače, oslobađanjem od poreskih obaveza firme na period od 5 godina za investiranje u proizvodne aktivnosti u vrijednosti od 20 miliona KM.

Slično kao u RS-u, koncept „stalnog mjesta poslovanja” je sada u sklopu zakona. Ova mjera je omogućila da FBiH bude u skladu sa OECD-a članicama i drugim EU zemljama. Oporezivanje stranih investitora koji posluju na području FBiH je sada mnogo jasnije.

Priznaće se i povlastice date stranim investitorima koji su se u prethodnom periodu kvalifikovali za petogodišnje oslobađanje od poreza na dobit, što znači da će te povlastice biti ispoštovane u potpunosti. VSI pozdravlja ove izmjene.

Određene dorade moguće su u oblasti dividendi. Po trenutno važećem zakonu, dividende se oporezuju u iznosu od pet posto kad su plaćene van zemlje. Ovo rješenje je slabije nego u RS-u ili Hrvatskoj, gdje je porez na dohodak kod dividendi napušten.

Uspostavljeno u 2006. godini, kao ne-profitno poslovno udruženje, VSI zastupa interese stranih investitora u BiH. Ciljevi su podrška unapređenju investicionog i poslovnog okruženja; i promocija saradnje i kontinuiranog dijaloga između Vijeća i predstavnika vlasti u BiH. U 2007. godini, VSI je izdalo Bijelu knjigu navodeći prioriteta rješenja za prepreke ulaganjima i razvoju BiH. Trenutno, VSI ima 22 člana čija ukupna dosadašnja ulaganja u BiH prelaze vrijednost od 4 milijarde KM.

*PricewaterhouseCoopers je pružio podršku kod pripreme sadržaja ovog saopštenja, i jedan je osnivača VSI.*

KRAJ

**Kontakt:**

Ajla Mostarac, Izvršni koordinator, Vijeće stranih investitora, Zmaja od Bosne 4/X, Sarajevo, BiH  
Mobilni: + 387 61 173 918 Telefon/Fax + 387 33 228 015 Email: [ajla@fic.ba](mailto:ajla@fic.ba)